



**Verband der Schweizer Studierendenschaften
Union des Etudiant·e·s de Suisse
Unione Svizzera degli e delle studenti di scuole Universitarie
Uniun svizra da studentas e students**

Laupenstrasse 2 Tel. +41 31 382 11 71 info@vss-unes.ch
CH - 3001 Bern Fax +41 31 382 11 76 www.vss-unes.ch

Berna, ils 11 da matg 2010

Iniziativa da stipendis: per ina Svizra cun futur!

En siu onn da giubileum ha l'USS decidì unanimamain da lantschar ina iniziativa da stipendis naziunala. Las studentas ed ils students èn perina: ina harmonisaziun materiala dals stipendis en Svizra è pli che necessaria. L'USS vesa en ina iniziativa populara naziunala sia unica schanza da cuntanscher ina migliuraziun effectiva. Il stadi ed ils chantuns ston esser obligads da garantir a tuts e tutas l'access a scolaziun ed in diplom da scolaziun tenor lur qualificaziuns e lur interess.

La pussaivladad da cuntanscher in diplom universitar u d'ina scol'auta è ozendi anc adina dependenta da la derivanza familiara - e quai sco criteri decisiv. Dapi la publicaziun da l'Uffizi da statistica tar la situaziun sociala dals students e las studentas è vinavant cler che la situaziun finanziaria è daventada pli rigurusa dapi il process da Bologna.

Malgrà las stentas d'assimilar ils systems da stipendis existan grondas differenzas tar autorisaziun, lunghezia, autezia e sort d'agids da scolaziun. L'USS valita il concordat da la CDEP d'armonisar ils agids da scolaziun sco emprim pass impurtant. Per l'USS n'è quest pass dentant betg sufficient, l'USS vul tschentiar craps miglia.

Stipendis èn investiziuns en la scolaziun

Il stadi ha gia l'onn 1964 manifestà la promoziun da stipendis. Els sajan impurtants per ina promoziun consequenta d'ina nova generaziun e per il mantegniment dal standard da viver en la Svizra. Per l'USS n'è perquai betg chapaivel, pertge che il volumen da stipendis è sa sbassà ils ultims 20 onns. La nova regulaziun da la gulivaziun da finanzas naziunala ha sbassà las investiziuns statalas per agids da scolaziun tranter 1990 e 2008 da 40% sin 9%. Perquai ch'ìls chantuns na vulan betg surprendre questa cumpart è la summa dals agids da scolaziun sa sbassads dapi 1993 per 27%.

Investiziuns en stipendis èn investiziuns en la scolaziun da la generaziun giuvna. Perquai èn els uschè impurtants!

Stipendis èn prioritat per l'USS

Gia duas giadas ha l'USS cun iniciativas popularas fatg attent sin la situaziun munglusa en il sistem da stipendis: 1972 cun il *model da losanna* e 1993 cun l'iniziativa *scolaziun per tuts*. Dapi bun 40 onns è cler ch'ina organisaziun federalistica dals agids da scolaziun na cuntanscha betg las pretensiuns. La debatta duai puspè vegnir lantschada e il crap miglia d'ina harmonisaziun costituziunala contonschida.

Ussa hai num: *I na dat mai dus senza trais*

L'USS ha introducì a la chanzlia federala ina proposta ch'è orientada al consens e che franchisescha il princip d'ina harmonisaziun e la cumpetenza federala en la costituziun.

La proposta regulescha cleramain, che agids da scolaziun èn garantids durant ina emprima scolaziun tertiar (tertiar A e B), e che quels agids garanteschon in standard da viver minimal. Uschia s'engascha l'USS per in sistem da scolaziun inclusiv e cun ils medems dretgs per tuts e spera sin la voluntad dal pievel e dal parlament da sustegnair questa proposta.

Per l'USS

Rahel Siegrist (suprastanza)
079 433 99 34

Samuel Cobbi (suprastanza)
078 616 22 34

Clau Dermont
078 808 35 11